



Služba za komunalno-stambene poslove

Broj: 12-02-2076/20-1
Lukavac, 23.03.2020.godine

Na osnovu člana 6. Programa utroška Budžetskih sredstava sa ekonomskog koda 614 417 za 2020.godinu, broj: 02-02-1-13800/19 od 23.12.2019.godine, a po pribavljenom mišljenju Službe za budžet i finansije, broj: 04-11-2135/20 od 20.03.2020.godine, Služba za komunalno-stambene poslove d o n o s i

O D L U K U

o odobranju budžetskih sredstava sa ekonomskog koda 614 417 za 2020.godinu

Član 1.

U cilju podrške projektima koji doprinose podizanju nivoa obavljanja kafilerijskih poslova i tretmana napuštenih životinja u naseljenim sredinama i smanjenju broja napada pasa lotalica na stanovništvo općine Lukavac, korisniku sredstava javno preduzeće „Veterinarska stanica“ doo Lukavac odobravaju se budžetska sredstva sa funkcionalnog koda 0160, ekonomski kod 614 417, pozicija Subvencija JP Veterinarska stanica Lukavac u skladu sa Zakonom o zaštiti i dobrobiti životinja u iznosu od 20.000,00 KM (slovima: dvadesethiljadakonvertibilnihmaraka).

Sredstva iz stava 1. ovog člana dodjeljivat će se posebnim Sporazumom na osnovu zahtjeva korisnika sufinansiranja.

Član 2.

Obavezuje se odabrani korisnik sredstava, da nakon zaključivanja sporazuma, u najkraćem mogućem roku obavijestiti nadležnu službu o svakoj životinji koju zaprimi na obradu, svaku obrađenu životinju dokumentovati i fotografisati, te sačiniti pojedinačni izvještaj o obavljenom tretmanu nad svakom životinjom.

Odabrani korisnik sredstava dužan je najkasnije do 10-tog u mjesecu podnijeti zbirni izvještaj, koji obavezno sadrži: puni opis provedenih aktivnosti u prethodnom mjesecu, postignute rezultate, uočene poteškoće u implementaciji i dokumentaciju (original ili ovjerenu kopiju) kojom dokazuju svaki pojedinačni trošak, kao i fakturu za obavljene kafilerijske poslove koji su predmet finansiranja u datom periodu, sačinjenu u skladu sa cijenama iz Sporazuma.

Član 3.

Praćenje namjenskog utroška odobrenih sredstava vrši posebna Komisija, čije članove imenuje Općinski načelnik iz reda uposlenika Općine, s tim da u radu Komisije ne mogu učestvovati lica koja su učestvovala postupku odabira korisnika sredstava.

Zadatak Komisije je da:

- izvrši terenske posjete i obavi kontrolu na terenu,
- izvrši pregled pojedinačnih i zbirnih korisnika sredstava u odnosu na potpisani sporazum, te da
- ukoliko ocijeni da su sredstva namjenski utrošena, da odobrenje Službi za budžet i finansije za isplatu dostavljene fakture.

Ukoliko utvrdi da je korisnik nenamjenski trošio odobrena sredstva, Komisija će sačiniti izvještaj o provedenoj kontroli, koji sadrži nalaze i prijedlog mjera, koji će dostaviti



Općinskom načelniku na razmatranje i donošenje odluke o postupanju prema nalazu i prijedlogu mjera.

Član 4.

U slučaju utvrđenog nenamjenskog trošenja sredstava, nadležna služba će obustaviti dalje finansiranje, u skladu sa odredbama zaključenog Sporazuma.

Član 5.

Ova odluka stupa na snagu danom donošenja, a objavit će se na web stranici i oglasnoj ploči općine Lukavac.

POMOĆNIK OPĆINSKOG NAČELNIKA
Mirela Bubić, dipl.pravnik

D o s t a v i t i:

1. JP „Veterinarska stanica“ doo Lukavac;
2. Službi za budžet i finansije;
3. Evidenciji;
4. Arhivi.